

毛詩故訓傳定本

節南山之什故訓傳第十九

毛詩小雅

節南山之什十篇七十九章五百五十二句

節南山十章六章章八句四章章四句

節南山家父刺幽王也

節彼南山維石巖巖赫赫師尹民具爾瞻憂心如惔不敢戲談國旣卒斬何用不監
節彼南山有實其猗赫赫師尹不平謂何天方薦瘥喪亂弘多民言無嘉憎莫憲嗟
尹氏大師維周之氏秉國之均四方是維天子是毗卑民不迷不弔昊天不空空我師
弗躬弗親庶民不信今本弗信日本古本作不弗問弗仕勿罔君子式夷式已無

小人殆瑣瑣姻亞則無讌仕 吳天不傭降此鞠訥吳
天不惠降此大戾君子如届卑民心闔君子如夷惡怒
是違 不弔昊天亂靡有定式月斯生卑民不寧憂心
如醒誰秉國成不自爲政卒勞百姓 駕彼四牡四牡
項領我瞻四方戚戚靡所騁 方茂爾惡相爾矛矣旣
夷旣懼如相醻矣 吳天不平我王不寧不懲其心覆
怨其正 家父作誦以究王訥式訛爾心以畜萬邦

節彼南山維石巖巖興也節高峻兒此謂節卽
彼之假借巖巖
積石兒赫赫顯盛貌師大師周之三公也尹尹氏爲
大師具俱瞻視惔燔也惔當從說文作炎小焚
也轉寫作炎又作惔李盡

斬斲監視也實滿猗長也薦重瘥病弘大也懌曾也
氏本均平毗厚也弔至空窮也此謂空卽穹之假借也七月傳穹窮也

庶民弗信庶民之言不可信勿罔君子勿罔上而行
也式夷式已無小人殆式用也夷平也用平則已無
以小人之言至於危殆也瑣瑣小貌兩端相謂曰亞
廩厚也備均鞠盈訛訟也屆極閑息夷易違去也病
酒曰醒成平也項大也此謂項卽洪之假借騁極也茂勉也懌
服也正長也家父大夫也

正月十三章八章章八句五章章六句

正月大夫刺幽王也

正月繁霜我心憂傷民之訛言亦孔之將念我獨兮憂
心京京哀我小心瘋憂以痒 父母生我胡俾我瘉不
自我先不自我後好言自口莠言自口憂心愈愈是以
有侮 憂心惄惄念我無祿民之無辜并其臣僕哀我
人斯子何從祿瞻烏爰止于誰之屋 瞻彼中林侯薪
侯蒸民今方殆視天夢夢旣克有定靡人弗勝有皇上
帝伊誰云憎 謂山蓋卑爲岡爲陵民之訛言寧莫之
懲召彼故老訊之占夢具曰予聖誰知烏之雌雄 謂
天蓋高不敢不局謂地蓋厚不敢不蹐維號斯言有倫
有脊哀今之人胡爲虺蜴 瞻彼阪田有菀其特天之

抗我如不我克彼求我則如不我得執我仇仇亦不我
力 心之憂矣如或結之今茲之正胡然厲矣燎之方
揚寧或滅之赫赫宗周衰姻戚之 終其永懷又窘陰
雨其車旣載乃棄爾輔載輸爾載將伯助予 無棄爾
輔員于爾幅婁顧爾僕不輸爾載終踰絕險曾是不意
魚在于沼亦匪克樂潛雖伏矣亦孔之炤憂心慄慄
念國之爲虐 彼有旨酒又有嘉肴比其鄰昏姻孔
云念我獨兮憂心慄慄 彤彤彼有屋簌簌方穀民今
之無祿天天是椓哿矣富人哀此惄惄

正月夏之四月繁多也將大也京京憂不去也瘼痒

皆病也父母謂文武也我我天下癒病也莠醜也愈
愈憂懼也惄惄憂意也臣僕古者有罪不入於刑則
役之圜土以爲臣僕瞻烏爰止于誰之屋富人之屋
烏所集也中林林中也薪蒸言似而非視天夢夢王
者爲亂夢夢然勝乘也皇君也謂山蓋卑爲岡爲陵
在位非君子乃小人也故老元老訊問也具曰予聖
君臣俱自謂聖也局曲也蹠累足也蹠與積同音倫道也
脊理也蜴頸也瞻彼阪田有菀其特言朝廷曾無傑
臣也抗動也仇仇警警也厲惡也滅之滅之以永也
宗周鎬京也襄姒威之衰國也姒姓也威滅也有衰

國之女幽王惑焉而以爲后詩人知其必滅周也窘
困也其車旣載乃棄爾輔大車重載又棄其輔將請
也伯長也員益也沼池也慄慄猶戚戚也彼有旨酒
又有嘉肴言禮物備也洽比其鄰昏姻孔云洽合也
鄰近也云旋也是言王者不能親親以及遠怠然
痛也仳仳小也赫赫畧也天天是椓君天之在位椓
之哿可獨單也

十月之交八章章八句

十月之交大夫刺幽王也

十月之交朔月辛卯日有食之亦孔之醜彼月而微此

日而微今此下民亦孔之哀 日月告凶不用其行四國無政不用其良彼月而食則維其常此日而食于何不減 爛爛震電不寧不令百川沸騰山冢卒崩李與漸漸

之石同 高岸爲谷深谷爲陵哀今之人胡憯莫懲 皇父

卿士番維司徒家伯維宰仲允膳夫聚子內史蹶維趣

馬檮維師氏豔妻傷方處此從說文作偏 抑此皇父豈曰不

時胡爲我作不卽我謀徹我牆屋田卒汙萊曰予不戕

禮則然矣 皇父孔聖作都于向擇三有事亶侯多藏

不憊遺一老俾守我王擇有車馬以居徂向 猂勉從

事不敢告勞無罪無辜讒口謬謬下民之孽匪降自天

噂沓背憎職競由人悠悠我里亦孔之痺四方有羨
我獨居憂民莫不逸我獨不敢休天命不徹我不敢欲
我友自逸

之交日月之交會日有食之亦孔之醜醜惡也月臣
道日君道焜焜震電兒震雷也沸出騰乘也山頂曰
冢高岸爲谷深谷爲陵言易位也豔妻袞姪美色曰
豔傷熾也時是也下則汙高則榮皇父孔聖皇父甚
自謂聖向邑也擇三有事亶侯多藏有司國之三卿
信維貪淫多藏之人也噂猶噂噂沓猶沓職主也
悠悠憂也里病也釋文此從痺病也羨餘也天命不徹我

不敢啟我友自逸徹道也親屬之臣心不能已也

雨無正七章二章章十句二章章八句三章章六句

雨無正大夫刺幽王也雨自上下者也眾多如雨而非所以爲正也

浩浩昊天不駿其德降喪饑饉斬伐四國昊天疾威此從正義本弗慮弗圖舍彼有罪既伏其辜若此無罪淪胥以

鋪周宗旣滅靡所止戾正大夫離居莫知我勦三事大夫莫有夙夜邦君諸侯莫有朝夕庶曰式滅覆出爲惡如何昊天筭言不信如彼行邁則靡所臻凡百君

子各敬爾身胡不相畏不畏于天 我成不退饑成不
遂曾我瞽御惛惛日瘁凡百君子莫可用諱聽言則荅
諧言則退 哀哉不能言匪舌是出維躬是瘁哿矣能
言巧言如流俾躬處休 維曰子仕孔棘且殆云不可
使得罪于天子亦云可使怨及朋友 謂爾遷于王都
曰予未有室家鼠思泣血無言不疾昔爾出居誰從作
爾室

駿長也穀不孰曰饑蔬不孰曰饉舍除也淪率也戾
定也勤勞也覆反也辟法也戎兵遂安也瞽御侍御
也瘁病也聽言則荅諧言則退以言進退人也哀哉

不能言匪舌是出維躬是瘁哀賢人不得言不得出
是舌也哿矣能言巧言如流俾躬處休哿可也可矣
世所謂能言也巧言從俗如水轉流子往也謂爾遷
于王都曰予未有室家賢者不冇遷于王都也無聲
曰泣血無言不疾無所言而不見疾也昔爾出居誰
從作爾室遭亂世義不得去思其友而不冇反者也

小旻六章三章章八句三章章七句

小旻大夫刺幽王也

旻天疾威敷于下土謀猶回遹何日斯沮謀臧不從不
臧覆用我視謀猶亦孔之邛 濡濡訛訛亦孔之哀謀

之其臧則具是違謀之不臧則具是依我視謀猶伊于
胡底 我龜旣厭不我告猶謀夫孔多是用不集發言
盈庭誰敢執其咎如匪行邇謀是用不得于道 哀哉
爲猶匪先民是程匪大猶是經維邇言是聽維邇言是
爭如彼築室于道謀是用不潰于成 國雖靡止或聖
或否民雖靡瞻或哲或謀或肅或艾如彼泉流無淪胥
以敗 不敢暴虎不敢馮河人知其一莫知其他戰戰
兢兢如臨深淵如履薄冰

一敷布回邪也適辟也沮壞也邛病也渝渝然患其上
一訛訛然思不稱其上作不思者誤也不我告猶猶道也集就

也發言盈庭誰敢執其咎謀人之國國危則死之古
之道也古曰在昔昔曰先民程法經常猶道邇近也
維邇言是爭爭爲近言也潰遂也國雖靡止或聖或
否民雖靡廡或哲或謀或肅或艾靡止言小也人有
通聖者有不能者亦有明哲者有聰謀者艾治也有
恭肅者有治理者馮陵也徒步曰馮河徒步曰累虎
一非也他不敬小人之危殆也戰戰恐也兢兢戒也
如臨深淵恐蹶也如履薄冰恐陷也

小宛六章章六句

小宛大夫刺幽王也

作宣王誤

宛彼鳴鳩翰飛戾天我心憂傷念昔先人明發不寐有懷二人人之齊聖飲酒溫克彼昏不知壹醉日富各敬爾饑天命不又中原有菽庶民采之螟蛉有子蜾蠃負之教誨爾子式穀似之題彼脊令載飛載鳴我日斯邁而月斯征夙興夜寐無忝爾所生交交桑扈率場啄粟哀我填寡宜岸宜獄握粟出卜自何能穀溫溫恭人如集于木惴惴小心如臨于谷戰戰兢兢如履薄冰

宛彼鳴鳩翰飛戾天興也宛小貌鳴鳩鵠鷕翰高也戾至也行小人之道責高明之功終不可得先人文

武也明發發夕至明也齊正克勝也壹醉日富醉日

而富矣

宋本岳本如是謂當壹醉之日頓自富矣與箋小別

此謂又爲復也復之假借

中原有菽庶民采之中原原中也菽藿也力采者則

得之螟蛉桑蟲也蜾蠃蒲盧也負持也題彼脊令載

飛載鳴題視也

此謂題卽此謂題卽脊令不能自舍君子有取

節爾忝辱也交交桑扈率場啄粟交交小貌桑扈竊

脂也言上爲亂政而求下之治終不可得也填盡岸

訟也

此謂岸卽犴之段借韓詩正作犴溫溫和柔貌如集于木恐隊

也如臨于谷恐隕也

小弁八章章八句

小弁刺幽王也大子之傳作焉

弁彼鸞斯歸飛提提民莫不穀我獨于罹何辜于天我
罪伊何心之憂矣云如之何 跖跖周道鞠爲茂草我
心憂傷怒焉如癢釋文假寐永歎維憂用老心之憂矣疾
如疾首 維桑與梓必恭敬止靡瞻匪父靡依匪母不
屬于毛不離于裏唐石經天之生我我辰安在 菴彼桺
斯鳴蜩嘒嘒有漼者淵菑葦淠淠譬彼舟流不知所届
心之憂矣不遑假寐 鹿斯之奔維足敶仗雉之朝雊
尚求其雌譬彼壞木疾用無枝心之憂矣寧莫之知
相彼投兔尚或先之行有死人尚或瑾之當依說文作瑾君子

秉心惟其忍之心之憂矣涕旣隕之君子信讖如或
醻之君子不惠不舒究之伐木掎矣析薪扢矣舍彼有
罪子之佗矣莫高匪山莫浚匪泉君子無易由言耳
屬于垣無逝我梁無發我笱我躬不閱遑恤我後

弁彼鸞斯歸飛提提興也弁樂也鸞卑居卑居雅烏
也提提羣貌民莫不穀我獨于罹幽王取申女生大
子宜咎又說襃姒生子伯服立以爲后而放宜咎將
殺之何辜于天我罪伊何舜之怨慕口號泣于旻天
于父母蹶蹶平易也周道周室之通道鞠窮也惄思
也惄心疾弛維桑與梓必恭敬止父之所樹已尚不

敢不恭敬也毛在外陽以言父裏在內陰以言母辰

時也蜩蟬也嘒嘒聲也灌深貌淠淠衆也鹿斯之奔

維足伎伎伎舒貌謂鹿之奔走其足伎伎然舒也

壞魄也謂傷病也

他家詩作魄爾雅釋木說文某氏注爾雅所引是也毛詩作壞故毛

公以爾雅釋之義墐路冢也墮隊也伐木掎矣析薪地

復釋魄字之義

掎其顛析薪者隨其理

捨卽說文掎字經段借取迤邐隨理

矣伐木者掎其顛析薪者隨其理之佗加也浚深也我躬不閱遑恤我後念父孝也高

子曰小弁小人之詩也孟子曰何以言之曰怨乎孟

子曰固哉夫高叟之爲詩也有越人於此關弓而射我我則談笑而道之無他疏之也兄弟關弓而射我

我則垂涕泣而道之無他戚之也

以上當依孟子書爲明順然則

小弁之怨親親也親親仁也固哉夫高叟之爲詩曰

飢風何以不怨曰飢風親之過小者也小弁親之過

大者也親之過大而不怨是愈疏也親之過小而怨

是不可穢也

釋文穢古愛反按依此音則正與杭同

也幾聲乞聲古同音通用愈疏不孝也不可穢亦不孝也孔子曰

舜其至孝矣五十而慕

巧言六章章八句

巧言刺幽王也大夫傷於讒故作是詩也

悠悠昊天曰父母且無罪無辜亂如此撫昊天已威子

慎無罪昊天大撫予慎無辜亂之初生潛始旣涵亂之又生君子信讒君子如怒亂庶遄沮君子如祉亂庶遄已君子婁盟亂是用長君子信盜亂是用暴盜言孔甘亂是用餗匪其止共維王之邛奕奕殷廟君子作之秩秩大猷聖人莫之他人有心予寸度之躍躍弁免遇犬獲之荏染柔木君子樹之往來行言心焉數之蛇蛇碩言出自口矣巧言如簧顏之厚矣彼何人爲猶將多爾居徒幾何

幠大也威畏慎誠也僭數釋文云毛側齒反則數當色主反不音朔涵容

也過疾沮止也祉福也盟凡國有疑會同則用盟而
相要也盜逃也

此謂假借

饑進也奕奕大貌秩秩進知也

莫謀也堯免狡兔也荏染柔意也柔木椅桐梓漆也

蛇蛇淺意也水草交謂之麋

此謂謂之假借

拳力也骭蕩爲

微腫足爲踵

何人斯八章章六句

何人斯蘇公刺暴公也暴公爲卿士而譖蘇公焉故蘇
公作是詩以絕之

彼何人斯其心孔艱胡逝我梁不入我門伊誰云從維
暴之云二人從行誰爲此禍胡逝我梁不入唁我始

者不如今云不我可　彼何人斯胡逝我陳我聞其聲
不見其身不媿于人不畏于天　彼何人斯其爲飄風
胡不自北胡不自南胡逝我梁祇攬我心　爾之安行
亦不違舍爾之亟行遑脂爾車壹者之來云何其盱
爾還而入我心易也還而不入否難知也壹者之來俾
我祇也　伯氏吹鸞仲氏吹篪及爾如貫諒不我知出
此三物以詛爾斯　爲鬼爲蜮則不可得有覩面目視
人罔極作此好歌㠭極反側

云言也陳堂塗也飄風舉起之風攬亂也易說祇病

也祇者疾之假借無將大車傳疾病也土曰鸞竹曰篪三物豕犬雞也

民不相信則盟詛之君以豕臣以犬民以雞蜮短弧

也

弧作狐誤

覩姑也反側不正直也

巷伯七章四章章四句一章五句一章八句一章

六句

巷伯刺幽王也寺人傷於讒故作是詩也巷伯奄官兮

正義曰今衍字案兮也古通用此五字序文也下文注云巷伯內小臣也今本譌亂詩周禮二疏及詩音義可

據正

斐兮斐兮成是貝錦彼譖人者亦已大甚哆兮哆兮

成是南箕彼譖人者誰適與謀緝緝翩翩謀欲譖人

慎爾言也謂爾不信捷捷幡幡謀欲譖言豈不爾受

旣其女遷 駕人好好勞人草草蒼天蒼天視彼駕人

矜此勞人 彼譖人者誰適與謀取彼譖人投畀豺虎

豺虎不食投畀有北有北不受投畀有吳 楊園之道

猗于畝丘寺人孟子作爲此詩凡百君子敬而聽之

萋兮斐兮成是貝錦與也萋斐文章相錯也貝錦錦

文也哆兮哆兮成是南箕哆大貌南箕箕星也多之

言是必有因也

禮記注哆者因物而大之名

斯人自謂辟嫌之不

審也昔者顏叔子獨處于室鄰之釐婦又獨處于室

夜暴風雨至而室壞婦人趨而至顏叔子納之而使

執燭放乎旦而蒸盡

蒸折麻中幹也古以爲燭

摘要而繼之

摘要卽左

傳之抽屋也武梁碑作
籀筆說文曰籀說引也自以爲辟嫌之不審矣若其

審者左若魯人然魯人有男子獨處于室鄰之釐婦
又獨處于室夜暴風雨至而室壞婦人趨而託之男

子閉戶而不納婦人自牖與之言曰子何爲不納我

乎男子曰吾聞之也男子不六十不閉居

此卽六十
閉房之說

謂不六十不能無欲也釋文閒音閑
是也正義男子作男女閒訓閒雜非今子幼吾亦幼

不可以納子婦人曰子何不若桺下惠然嫗不速門

之女國人不稱其亂

此俗所謂坐懷不亂也荀卿曰
桺下惠與後門者同衣國人不

稱其亂後門卽不速門謂不及門
無宿處也禮記注曰以體曰嫗

男子曰桺下惠固

可吾固不可吾將以吾不可學桺下惠之可孔子曰

欲學桺下惠可者未有能似於是也

二句依正
義補二字

緝緝

口舌聲翩翩往來貌捷捷猶緝緝也幡幡猶翩翩也

遷去也好好喜也草草勞心也投棄也北北方寒涼

而不毛昊昊天也楊園園名猗加也

猗古音如阿加
古音如歌同韻

段
丘丘名寺人而曰孟子者罪已定矣而將踐刑
作此詩也

谷風之什故訓傳第二十

毛詩小雅

谷風之什十篇五十四章三百五十六句

谷風三章章六句

谷風刺幽王也天下俗薄朋友道絕焉

習習谷風維風及雨將恐將懼維予與女將安將樂女
轉棄予 習習谷風惟風及穢將恐將懼寘予子懷將
安將樂棄予如遺 習習谷風維山崔嵬無草不死無
木不萎忘我大德思我小怨

習習谷風維風及雨興也風雨相感朋友相須將安
將樂女轉棄予言朋友趨利窮達相棄維風及穢
蕕

風之焚輪者也

焚輪猶紛綸風之自上下者也

風薄相扶而上

薄謂薄也

喻朋友相須而成崔嵬山顛也無草不死無木不萎

言雖盛夏萬物茂壯草木無不有死葉萎枝者

不有從日

本古

蓼莪六章四章章四句二章章八句

蓼莪刺幽王也民人勞苦孝子不得終養爾

蓼蓼者莪匪莪伊蒿哀哀父母生我劬勞

蓼蓼者莪

匪莪伊蔚哀哀父母生我勞瘁
僻之磬矣維磬之恥

鮮民之生不如死之久矣無父何怙無母何恃出則銜

恤入則靡至

父兮生我母兮鞠我

鞠訓窮亦訓養猶治亂曰亂也俗作

非鞠拊我畜我長我育我顧我復我出入腹我欲報之德

昊天罔極

南山烈烈票風

發發民莫不穀我獨不卒

南山律律票風弗弗民莫不穀我獨不卒

蓼蓼者莪匪莪伊蒿興也蓼蓼長大貌蔚牡貁也解之馨矣維馨之恥解小而馨大馨盡也鮮寡也解鞠養腹厚也烈烈然至難也發發疾貌律律猶烈烈也弗弗猶發發也

大東七章章八句

大東刺亂也東國困於役而傷於財譚大夫作是詩以告病焉

有饁饁飧有挾棘匕周道如砥其直如矢君子所履小

人所視睠言顧之潛焉出涕 小東大東杼軸其空

輔作

抽糾糾葛屨可以履霜佻佻公子行彼周行旣往旣來誤

使我心疚 有冽氿泉無浸穫薪契契寤歎哀我痺人

薪是穫薪尙可載也哀我痺人亦可息也 東人之子

職勞不來西人之子粲粲衣服舟人之子熊羆是裘私

人之子百僚是試 或以其酒不以其漿鞶韜佩璲不

以其長維天有漢監亦有光跂彼織女

跋當從說文作跂

終日

七襄 雖則七襄不成報章皖彼牽牛不可以服箱

可字

依文選李善本元風注補東有啓明西有長庚有捄天畢載施之行

維南有箕不可以簸揚維北有斗不可以挹酒浆維
南有箕載翕其舌維北有斗西柄之揭

有饑簋飧有捄棘匕興也饑滿簋兒飧孰食謂黍稷
也捄長兒匕所以載鼎實棘赤心也如砥貢賦平均
也如矢賞罰不偏也瞻反顧也潛涕下兒空盡也佻
佻獨行兒公子譚公子也冽寒意也側出曰汎泉穫
艾也契契憂苦也惲勞也載載乎意也未詳意當作車東人

譚人也來勤也西人京師人也粲粲鮮盛兒舟人舟
楫之人熊羆是裘言富也私人私家人也百僚是試
用於百官也或以其酒不以其漿或醉於酒或不得

漿也。韜韜玉兒璲瑞也。漢天河也。監亦有光。有光而無所明也。跂隅兒襄反也。不成報章不能反報成章也。皖明星兒廣韻皖明星戶版切何鼓謂之牽牛服牝服也。箱

大車之箱也。

日且出謂明星爲啓明

且正義作旦非也。且出正謂未

旦昧爽時旦者日在地上明星不見矣。日旣入謂明星爲長庚。庚續也有揀天畢載施之行。揀畢兒畢所以掩免也。何嘗見其可用乎。挹斟也。翕合也。

四月八章章四句

四月大夫刺幽王也。在位貪殘下國構禍怨亂竝興焉。四月維夏六月徂暑。先祖匪人胡寧忍予。秋日淒淒。

百卉具腓

李善注文選武馬臺詩
韓詩作腓毛萇作腓亂離瘼矣爰其適歸

冬日烈烈飄風發發民莫不穀我獨何害

山有嘉卉侯栗侯梅廢爲殘賊莫知其尤

相彼泉水載清載濁我日構禍曷云能穀

滔滔江漢南國之紀盡瘁以仕寧莫我有

匪驚匪薦翰飛戾天匪鱸匪鮪潛逃于

淵山有蕨薇隰有杞桋君子作歌維以告哀

六月徂暑徂往也六月火星中暑盛而往矣淒淒涼

風也卉草也腓病也離憂瘼病適之也廢大也構成

曷遠也滔滔江漢南國之紀滔滔大水貌其神足以

綱紀一方鷺雕也鷗鳶貪殘之鳥也鱸鮪大魚能逃

處淵杞拘繼也 檟赤棟也

北山六章三章章六句三章章四句

北山大夫刺幽王也 役使不均己勞於從事而不得養其父母焉

陟彼北山言采其杞偕偕士子朝夕從事王事靡鹽憂我父母薄天之下莫非王土率土之濱莫非王臣大夫不均我從事獨賢四牡彭彭王事傍傍嘉我未老鮮我方將旅力方剛經營四方或燕燕居息或盡瘁事國或息偃在牀或不已于行或不知韶號宋本毛詩音義或操操劬勞或棲遲偃仰或王事鞅掌或湛樂飲酒

或慄慄畏咎或出入風議或靡事不爲

僕僕強壯貌士子有王事者也溥大率循濱匪也賢

勞也

說文賢多財也引伸之凡多皆曰賢

彭彭然不得息傷傷然不得

已將壯也

此謂假借旅眾也燕燕安息貌盡瘁事國盡力

勞病以從國事也噓呼號召也鞅掌失容也

無將大車三章章四句

無將大車大夫悔將小人也

無將大車祇自塵兮無思百憂祇自疵兮 無將大車

維塵冥冥無思百憂不出于頰 無將大車維塵離兮

無思百憂祇自重兮

大車小人之所將也 痘病也 穬光也

小明五章三章章十二句二章章六句

小明大夫悔仕於亂世也

明明上天照臨下土我征徂西至于艽野二月初吉載離寒暑心之憂矣其毒大苦念彼共人涕零如雨豈不懷歸畏此罪罟昔我往矣日月方除曷云其還歲聿云莫念我獨兮我事孔庶心之憂矣彊我不暇念彼共人睠睠懷顧豈不懷歸畏此譴怒昔我往矣日月方奧曷云其還政事愈戚作蹙歲聿云莫采蕭穫菽心之憂矣自詒伊戚念彼共人興言出宿豈不懷歸畏此反

覆 嘴爾君子無恆安處靖共爾位正直是與神之聽
之式穀以女 嘴爾君子無恆安息靖共爾位好是正
直神之聽之介爾景福

艽野遠荒之地初吉朔日也罟網也除除陳生新也
痺勞也與煖也戚促也戚憂也靖謀也正直爲正能
正人之曲曰直息猶處也介景皆大也

鼓鍾四章章五句

鼓鍾刺幽王也

鼓鍾將將淮水湯湯憂心且傷淑人君子懷允不忘
鼓鍾喈喈淮水湝湝憂心且悲淑人君子其德不回

鼓鍾伐磬淮有三洲憂心且妯淑人君子其德不猶
鼓鍾欽欽瑟鼓琴笙磬同音以雅以南以籥不僭
鼓鍾將將淮水湯湯憂心且傷幽王用樂不與德比
會諸侯于淮上鼓其淫樂以示諸侯賢者爲之憂傷
也喈喈猶將將湝湝猶湯湯悲猶傷也回邪也磬大
鼓也三洲淮上地妯動也猶若也欽欽言使人樂進
也笙磬東方之樂也同音四縣皆同也以雅以南爲
雅爲南也舞四夷之樂大德廣所及也東夷之樂曰
赫南夷之樂曰南西夷之樂曰株正義離北夷之樂
曰禁以籥不僭以籥以爲籥舞也若是爲和而不僭

矣

楚茨六章章十二句

楚茨刺幽王也政煩賦重田萊多荒饑饉降喪民卒流亡祭祀不饗故君子思古焉

楚楚者茨言抽其棘自昔何爲我蓀黍稷我黍與與我

稷翼翼我倉既盈我庾維億以爲酒食以高以祀

凡獻於神

曰高神歆之曰饗詩之例如此此上言以高以祀下言神保是饗閭宮上言高祀不忒高以驛饉下言是饗是

宜烈祖上言以假以高下言來假來饗是也

以妥以侑以介景福

濟濟蹠

蹠絜爾牛羊以往烝嘗或剝或亨或肆或將祝祭于祊

祀事孔明先祖是皇神保是饗孝孫有慶報以介福萬

壽無疆 執爨踏踏爲俎孔碩或燔或炙君婦莫莫爲豆孔庶爲賓爲客獻酬交錯禮儀卒度笑語卒獲神係是格報以介福萬壽攸酢 我孔熯矣式禮莫愆工祝致告徂賚孝孫苾芬孝祀神耆飲食卜爾百福如幾如式旣齊旣稷旣匡旣敷永錫爾極時萬時億 禮儀旣備鍾鼓旣戒孝孫徂位工祝致告神具醉止皇尸載起鍾鼓送尸正義及宋書禮志兩引皆作鍾鼓送尸與上文鍾鼓旣戒一例神保聿歸諸宰君婦廢徹不遲諸父兄弟備言燕私 樂具入奏以綏後祿爾殽旣將莫怨具慶旣醉旣飽小大稽首神者飲食使君壽考孔惠孔時維其盡之子子孫孫勿替引

之

楚楚茨棘貌抽除也露積曰庾萬萬曰億安安坐也
侑勸也濟濟踴踴言有容也亨飪之也肆陳將齊也
或陳于互或齊其肉祊門內也皇大保安也爨爨爨
廩爨也踏踏言爨竈有容也燔取脾臂也炙炙肉莫
莫言清靜而敬至也爲豆孔庶爲賓爲客豆謂內羞
庶羞也正義作內宋本岳本作肉釋文曰內羞房中之羞或作肉非也繹而賓戶及
賓客東西爲交邪行爲錯度法度也獲得時也格來
酢報也此謂糗卽饑之假借惠敬也善其事曰工賚子也
幾期式法也稷疾敷固也致告告利成也皇大也諸

父兄弟備言燕私燕私燕而盡其私恩也以綏後祿
綏安也安然後受福祿也將行也替廢引長也

信南山六章章六句

信南山刺幽王也不能修成王之業疆理天下以奉禹
功故君子思古焉

信彼南山維禹甸之畇畇原隰曾孫田之我疆我理南
東其畝上天同雲雨雪霧霧益之以霖霖旣優旣渥
旣霑旣足生我百穀疆場翼翼黍稷或或曾孫之穡
以爲酒食畀我尸賓壽考萬年中田有廬疆場有瓜
是剗是菹獻之皇祖曾孫壽考受天之祐祭以清酒

從以驛牡享于祖考執其鸞刀以啓其毛取其血臂
是烝是享苾苾芬芬祀事孔明先祖是皇報以介福萬
壽無疆

甸治也畇畇墾辟貌曾孫成王也疆畫經界也理分
地理也南東其畝或南或東也上天同雲雨雪霧霧
霧霧雪貌豐年之冬必有積雪小雨曰霖霖場畔也
翼翼讓畔也或或茂盛貌是剝是菹剝瓜爲菹也駢
牡周尚赤也鸞刀刃有鸞者言割中節也毛以告純
也管脂膏也血以告殺管以升臭合之黍稷實之於
蕭合馨香也從集注及定本烝進也

甫田之什故訓傳第二十一

毛

甫田之什十篇三十九章二百九

甫田四章章十句

甫田刺幽王也君子傷今而思古焉

倬彼甫田歲取十千我取其陳食我農人自古有年今
適南畝或耘或耔黍稷薿薿攸介攸止烝我髦士以
我釐明與我犧羊以社以方我田既減農夫之慶琴瑟
擊鼓以御田祖以祈甘雨以介我稷黍以穀我士女
曾孫來止以其婦子餚彼南畝田畯至喜攘其左右嘗
其旨否禾易長畝終善且有曾孫不怒農夫克敏曾

孫之稼如茨如梁曾孫之庚如坻如京乃求于斯倉乃求萬斯箱黍稷稻粱農夫之慶報以介福萬壽無疆倬彼甫田倬明貌甫田謂天下田也十千言多也我取其陳食我農人尊者食新農夫食陳也耘除草也耔離本也烝我髦士烝進髦俊也治田得穀俊士以進器實曰蓋在器曰盛社后土也方迎四方氣於郊也田祖先嗇也穀善也易治也長畝竟畝也敏疾也茨積也說文曰積積禾也毛謂此茨卽積之假借也
茨本訓屋以艸蓋故知此訓積爲假借說文引詩積之栗栗作積之秩秩是積積可通用矣何以言如也此與淇澳如積同義在野曰稼云曾孫之稼則謂未穫者也○瞻彼洛矣梁車梁也京高丘也

大田四章二章章八句二章章九句

大田刺幽王也言矜寡不得自存焉

大田多稼既種既戒既備乃事以我覃耜攸載南畝播
厥百穀旣庭且硕曾孫是若 旣方旣阜旣堅旣好不
稂不莠去其螟螣及其蟊賊無害我田辟田祖有神秉
畀炎火 有渰淒淒興雲祁祁雨我公田遂及我私彼
有不穫穡此有不斂穧彼有遺秉此有滯穗伊寡婦之
利 曾孫來止以其婦子餙彼南畝田畯至喜來方禋
祀以其駢黑與其黍稷以享以祀以介景福

覃利也

此謂覃卽刺之假借東京賦正作剡耜

庭直也實未堅者曰阜

稂童梁也莠似苗也食心曰螟食葉曰螣食根曰蟊

食節曰賊炎火盛陽也渰陰雲兒

此從顏氏家訓定本集注作陰雲

淒淒雲行兒

此從說文玉篇廣韻作祁祁徐兒也

家訓

正義皆有兒說文渰雨雲起也渰雨雲兒雨雲謂欲

雨之雲凡大雨之來黑雲起而風生風生而雲行所

謂有渰淒淒也已而風定白雲彌天雨隨之下所謂

興雲祁祁雨公及私也顏氏家訓釋文正義皆作興

兩於物理經訓皆失之

秉一把也駢牛也黑羊豕也

瞻彼洛矣三章章六句

瞻彼洛矣刺幽王也思古明王能爵命諸侯賞善罰惡

焉

瞻彼洛矣維水泱泱君子至止福祿如茨韎韐有奭以

作六師 瞻彼洛矣維水泱泱君子至止鞶琫有珌君子萬年保其家室 瞻彼洛矣維水泱泱君子至止福祿旣同君子萬年保其家邦

瞻彼洛矣維水泱泱興也洛宗周溉浸水也

白魏黃初以前

雍州渭洛字作洛豫州伊雒字作雒絕無混淆至黃初以後乃亂矣其云至漢改伊洛作伊雒者僞也

決決深廣貌韎韐者茅蒐染韋一入曰韎句絕韐所以

代韐也

韎者韐之色也茅蒐染韋一入曰韎亦見說文及五經文字卽一染謂之綠也韐韐也士

無韐有韐故云韐所以代韐箋申之云韐者茅蒐染也茅蒐韐聲韐祭服之韐合韋爲之皆分析韐韐二字各義各本譌舛不可讀茅蒐韐聲者六師天子六與義所云齊魯之間言韐聲如茅蒐也六師天子六軍韐容刀韐也琫上飾珌下飾也韐刀室也卽刀削

把其飾曰琫削末之飾曰珌有讀爲又言有韁有琫
又有珌也公劉傳下曰韁上曰琫略舉其下上之體
而已釋名與毛所說各異戴東原氏改此傳云琫上飾韁下飾珌飾兒非也韁不可言飾天子玉
琫而珧珌諸侯鑾琫而鑾珌大夫鑾琫而鑾珌士瑩
琫而瑩珌此從正義本與釋文集注定本不同考說文琫珌天子皆以玉然則諸侯皆以金大
夫皆以銀士皆以瑩爲有條理說文又云天子玉琫而珧珌

裳裳者華四章章六句

裳裳者華刺幽王也古之仕者世祿小人在位則讒諂
竝進棄賢者之類絕功臣之世焉

裳裳者華其葉湑兮我觀之子我心寫兮我心寫兮是以有譽處兮
裳裳者華芸其黃矣我觀之子維其有

章矣維其有章矣是以有慶矣。裳裳者華或黃或白我觀之子乘其四駝乘其四駝六轡沃若。左之左之君子宜之右之右之君子有之維其有之是以似之

裳裳者華其葉湑兮與也裳裳猶堂堂也湑盛兒芸黃盛也乘其四駝六轡沃若言世祿也左陽道朝祀之事右陰道喪戎之事似嗣也

桑扈四章章四句

桑扈刺幽王也君臣上下動無禮文焉

交交桑扈有鶯其羽君子樂胥受天之祐。交交桑扈有鶯其領君子樂胥萬邦之屏。之屏之翰百辟爲憲

不戢不難受福不那 兮觥其斛旨酒思柔彼交匪敷
萬福來求

交交桑扈有鶯其羽興也鶯然有文章也胥皆也領
頸也屏蔽也翰榦此謂假借憲法也戢聚也不戢戢也不
難難也那多也不多多也

鴛鴦四章章四句

鴛鴦刺幽王也思古明王交於萬物有道自奉養有節
焉

鴛鴦于飛畢之羅之君子萬年福祿宜之 鴛鴦在梁
戢其左翼君子萬年宜其遐福 乘馬在廄摧之秣之

君子萬年福祿艾之乘馬在廄秣之摧之君子萬年
福祿綏之

鴛鴦于飛畢之羅之興也鴛鴦匹鳥大平之時交於

萬物有道取之以時於其飛乃畢掩而羅之戢其左

翼言休息也摧挫也

挫者毛曉莖字此毛謂摧卽挫之假借也鄭恐學者不解故釋

曰挫今之莖字今本箋挫或作摧非株粟也艾養也

頑弁三章章十二句

頑弁諸公刺幽王也暴露無親不能宴樂同姓親睦九族孤危將亾故作是詩也

有頑者弁實維伊何爾酒旣旨爾殼旣嘉豈伊異人兄

弟匪他鳩與女蘿施于松柏未見君子憂心奕奕旣見君子庶幾說繹 有頍者弁實維何其爾酒旣旨爾殼旣時豈伊異人兄弟具來鳩與女蘿施于松上未見君子憂心炳炳旣見君子庶幾有臧 有頍者弁實維在首爾酒旣旨爾殼旣阜豈伊異人兄弟甥舅如彼雨雪先集維霰死喪無日無幾相見樂酒今夕君子維宴有頍者弁實維伊何興也頍弁貌弁皮弁也鳩與女蘿施于松柏鳩寄生也女蘿菟絲松蘿也喻諸公非自有尊託王之尊奕奕然無所薄也時善也炳炳憂盛滿也臧善也霰暴雨也暴必是譌字爾雅作消雪說文作稷雪暴當作黍如

黍如稷皆謂其形
也消雪當作屑雪

車輦五章章六句

車輦大夫刺幽王也。褒姒嫉妬無道，竝進讒巧敗國德，澤不加於民。周人思得賢女以配君子，故作是詩也。
閑關車之輦兮，思變季女逝兮。匪飢匪渴，德音來佑。雖無好友，式燕且喜。依彼平林，有集維鶴。辰彼碩女，令德來教。式燕且譽，好爾無射。雖無旨酒，式飲庶幾。雖無嘉穀，式食庶幾。雖無德與女，式歌且舞。陟彼高岡，析其柞薪。析其柞薪，其葉湑兮。鮮我覩爾，我心寫兮。高山仰止，景行行止。四牡騤騤，六轡如琴。覩爾新昏，以

慰我心

閒關車之輶兮興也閒關設壘兒變美兒季女謂有齊季女也佸會也依茂木貌平林林木之在平地者

也鶴雉也辰時也景大也慰怨也

此從釋文釋慰爲怨如釋亂爲治釋

祖爲存此蓋幽玉初立義
妣爲后而作故曰新昏

青蠅三章章四句

青蠅大夫刺幽王也

營營青蠅止于樊豈弟君子無信讒言 营營青蠅止于棘讒人罔極交亂四國 营營青蠅止于榛讒人罔

極構我二人

營營青蠅止于樊興也營營往來貌樊藩也榛所以爲藩也

賓之初筵五章章十四句

賓之初筵衛武公刺時也幽王荒廢媢近小人飲酒無度天下化之君臣上下沈湎淫液武公旣入而作是詩也

賓之初筵左右秩秩籩豆有楚殼核維旅酒旣和旨飲酒孔偕鍾鼓旣設舉醻逸逸大侯旣抗弓矢斯張射夫旣同獻爾發功發彼有勺以祈爾爵 箴舞笙鼓樂旣和奏烝衍烈祖以洽百禮百禮旣至有壬有林錫爾純

嘏子孫其湛其湛曰樂各奏爾能賓載手仇室人入又酌彼康爵以奏爾時賓之初筵溫溫其恭其未醉止威儀反反曰旣醉止威儀幡幡舍其坐遷婁舞僂僂其未醉止威儀抑抑曰旣醉止威儀惄惄是曰旣醉不知其秩賓旣醉止載號載呶亂我邇豆婁舞懃懃是曰旣醉不知其郵側弁之俄婁舞僂僂旣醉而出竝受其福醉而不出是謂伐德飲酒孔嘉維其令儀凡此飲酒或醉或否旣立之監或佐之史彼醉不臧不醉反恥式勿從謂無俾大怠匪言勿言匪由勿語依鄭箋則匪誤下文由醉之言卽蒙此由醉之言俾出童羖三爵不識矧敢多又

秩秩然肅敬也楚列貌設豆實也核加邁也旅陳也
逸逸往來次序也大侯君侯也抗舉也有燕射之禮
勾質也祈求也籥舞笙鼓秉籥而舞與笙鼓相應壬
大林君也嘏大也賓載手仇室人入又手取也室人
主人也主人請射於賓賓許諾自取其匹而射主人
亦入於次又射以耦賓也康爵酒所以安體也時中
者也反反言重慎也幡幡失威儀也遷徙也婁舞僂
僂婁數僂僂然抑抑慎密也秘密媯媯也秩常也號
呶號呼譴呶也此七字當是號呼呶譴也五字儼儼舞不能自正也
僂僂不止也旣立之監或佐之史立酒之監佐酒之

史也俾出童羖羖羊不童也

魚藻之什故訓傳第二十二

毛詩小雅

魚藻之什十四篇六十二章三百二句

魚藻三章章四句

魚藻刺幽王也言萬物失其性王居鎬京將不能以自樂故君子思古之武王焉

魚在在藻有頌其首王在在鎬豈樂飲酒魚在在藻有莘其尾王在在鎬飲酒樂豈魚在在藻依于其蒲王在在鎬有那其居

魚在在藻有頌其首頌大首兒魚以依蒲藻爲得其性莘長兒

采菽五章章八句

采菽刺幽王也侮慢諸侯諸侯來朝不能錫命以禮數徵會之而無信義君子見微而思古焉

采菽采菽筐之筥之君子來朝何錫予之雖無予之路車乘馬又何予之玄袞及黼
蕡沸檻泉言采其芹君子來朝言觀其旂其旂淠淠鸞聲嚙嚙載驂載駟君子所届赤芾在股邪幅在下彼交匪紓天子所予樂只君子天子命之樂只君子福祿申之維柞之枝其葉蓬蓬樂只君子殷天子之邦樂只君子萬福攸同平平左右亦是率從汎汎揚舟綿纏維之樂只君子天子

葵之樂只君子福祿臚之優哉游哉亦是戾矣

采菽采菽筐之筥之興也菽所以芼太牢而待君子也羊則苦豕則薇君子謂諸侯也玄袞袞卷龍也白與黑謂之黼黻沸檻泉齎沸泉出貌檻泉正出也渢渢動也疇疇中節也赤芾在股邪幅在下諸侯赤芾絕句邪幅幅𠂔也所以自𠂔束也紓緩也申重也蓬蓬盛貌殷鎮也平平辯治也汎汎揚舟繡纏維之繡綽也纏綽也明王能維持諸侯也葵揆也臚厚也戾至也

角弓八章章四句

角弓父兄刺幽王也不親九族而好讒佞骨肉相怨故作是詩也

骍骍角弓

骍說文
作鮮

翩其反矣兄弟昏姻無胥遠矣

爾

之遠矣民胥然矣爾之教矣民胥敝矣此令兄弟綽

綽有裕不令兄弟交相爲渝民之無良相怨一方受

爵不讓至于己斯亾老馬反爲駒不顧其後如食寇

餧如酌孔取母教猱升木如塗塗附君子有微猷小

人與屬雨雪瀌瀌見晛曰消莫宵下遺式居婁騎

雨雪浮浮見晛曰流如蠻如髦我是用憂

骍骍角弓翩其反矣興也骍骍調利也不善繼榮巧

用則翩然而反綽綽寬也裕饒痈病也受罰不讓至
于已斯亾晉祿不以相讓故怨禍及之比周而黨愈
少鄙爭而名愈辱求安而身愈危老馬反爲駒已老
矣而孩童慢之餧飽也猱狹屬塗泥附著也徽美也
覲日氣也浮浮猶濛濛也流流而去也蠻南蠻也髦
夷髦也

菟桺三章章六句

菟桺刺幽王也畢虐無親而刑罰不中諸侯皆不欲朝
言王者之不可朝事也

有菟者桺不尙息焉上帝甚蹈無自暱焉卑予靖之後

予極焉 有菀者桺不尚憯焉 上帝甚蹈無自瘵焉 卑
予靖之後予邁焉 有鳥高飛亦傳于天 彼人之心于
何其臻曷予靖之居以凶矜

有菀者桺不尚息焉興也 菀茂木也 蹤動

檜傳悼動也則知蹈

悼音義同鄭申毛非易毛也 曠近也 靖治極至也 憯息也 療病也

曷害

此謂段借害爲曷爲害猶借害爲曷也

矜危也

都人士五章章六句

都人士周人刺衣服無常也 古者長民衣服不貳從容
有常以齊其民則民德歸壹傷今不復見古人也

彼都人士狐裘黃黃其容不改出言有章行歸于周萬

民所望。彼都人士臺笠繙撮彼君子女綢直如髮我不見兮我心不說。彼都人士充耳琇實彼君子女謂之尹吉我不見兮我心菀結。彼都人士垂帶而厲彼君子女卷髮如薑我不見兮言從之適。匪伊垂之帶則有餘匪伊卷之髮則有旗我不見兮云何盱矣。

彼彼明王也周忠信也臺所以御雨笠所以御暑也

依南山有臺疏及文選謝元暉臥病詩注所引縮撮繙布冠也綢直如髮密

直如髮也謂綢爲密謂綢之假借也秀美石也尹正也厲帶之

垂者旗揚也

采綠四章章四句

采綠刺怨曠也幽王之時多怨曠者也

終朝采綠不盈一掬于髮曲局薄言歸沐
終朝采藍不盈一襜五日爲期六日不詹
之子于釣言綸之繩 其釣維何維鮎及鱗
維鮎及鱗薄言觀者

終朝采綠不盈一掬興也自旦及食時爲終朝兩手
曰掬予髮曲局局卷也婦人夫不在則不容飾衣蔽
前謂之襜簪至也五日爲期婦人五日一御也

黍苗五章章四句

黍苗刺幽王也不能膏潤天下卿士不能行召伯之職

焉

芃芃黍苗陰雨膏之悠悠南行召伯勞之 我任我輶
我車我牛我行既集蓋云歸哉 我徒我御我師我旅
我行既集蓋云歸處 肅肅謝功召伯營之烈烈征師
召伯成之 原隰既平泉流既清召伯有成王心則寧
芃芃黍苗陰雨膏之興也 芮芮長大貌悠悠行貌我
任我輦我車我牛任者輦者車者牛者也 我徒我御
我師我旅徒行者御車者師者旅者也 諷邑也土治
曰平水治曰清

隰桑四章章四句

隰桑刺幽王也 小人在位君子在野思見君子盡心以事之

隰桑有阿其葉有難既見君子其樂如何
隰桑有阿其葉有幽
其葉有沃既見君子云何不樂
隰桑有阿其葉有幽
既見君子德音孔膠
心乎愛矣遐不謂矣中心藏之
何日忘之

隰桑有阿其葉有難興也阿然美貌難然盛貌有以
利人也沃柔也幽黑色也此謂幽卽動之假借
周禮幽聖鄭謂爲騶膠固
也

白華八章章四句

白華周人刺幽后也幽王取申女以爲后又得褒姒而黜申后故下國化之以妾爲妻以孽代宗而王弗能治周人爲之作是詩也

白華菅兮白茅束兮之子之遠俾我獨兮英英白雲
露彼菅茅天步艱難之子不猶澁池北流浸彼稻田
嘯歌傷懷念彼碩人樵彼桑薪卬烘于煁維彼碩人
實勞我心鼓鍾于宫聲聞于外念子慄慄視我邁邁
有鶴在梁有鶴在林維彼碩人實勞我心鴛鴦在
梁戢其左翼之子無良二三其德有扁斯石履之卑
兮之子之遠俾我底兮

白華菅兮白茅束兮興也白華野菅也已漚爲菅英
英白雲露彼菅茅英英白雲貌露亦有雲言天地之
氣無微不著無不覆養也步行猶可也洮流貌印我
烘燎也燧炷竈也柔薪宜以養人者也鼓鍾于宮聲
聞于外有諸宮中必形見於外也邁邁不說也此謂
卽休休之假借也
韓詩說文作休休鶩禿鶩也有扁斯石扁扁乘石貌
石乘石王乘車履石疵病也

絲蠻三章章八句

絲蠻微臣刺亂也大臣不用仁心遺忘微賤不肖飲食
教載之故作是詩也

絲蠻黃鳥止于正阿道之云遠我勞如何飲之食之教
之誨之命彼後車謂之載之 絲蠻黃鳥止于正隅豈
敢憚行畏不能趨飲之食之教之誨之命彼後車謂之
載之 絲蠻黃鳥止于正側豈敢憚行畏不能極飲之
食之教之誨之命彼後車謂之載之

絲蠻黃鳥止于正阿興也絲蠻小鳥貌正阿阿曲阿
也鳥止於阿人止於仁

瓠葉四章章四句

瓠葉大夫刺幽王也上棄禮而不能行雖有牲牢饗餼
不可用也故思古之人不以微薄廢禮焉

幡幡瓠葉采之亨之君子有酒酌言嘗之 有兔斯首
炮之燔之君子有酒酌言獻之 有兔斯首燔之炙之
君子有酒酌言酢之 有兔斯首燔之炮之君子有酒
酌言醕之

幡幡瓠葉貌瓠庶人之菜也毛曰炮加火曰燔獻奏
也炕火曰炙說文炕乾也炕火謂乾之於火生民傳
貫之加於火曰烈烈卽炙也燔與火相
著炙與火相離酢報也醕道飲也

漸漸之石三章章六句

漸漸之石下國刺幽王也戎狄叛之荆舒不至乃命將
率東征役久病於岳宋外故作是詩也

漸漸之石維其高矣山川悠遠維其勞矣武人東征不
皇朝矣 漸漸之石維其卒矣山川悠遠曷其沒矣武
人東征不皇出矣 有豕白蹢烝涉波矣月離于畢俾
滂沱矣武人東征不皇他矣

漸漸山石高峻卒竟沒盡也有豕白蹢烝涉波矣豕
豬蹢蹢也將久雨則不進涉水波月離于畢俾滂沱
矣畢囁也月離陰星則雨

苕之華三章章四句

苕之華大夫閔時也幽王之時西戎東夷交侵中國師
旅竝起因之以饑饉君子閔周室之將亡傷己逢之故

作是詩也

若之華芸其黃矣心之憂矣維其傷矣
若之華其葉青青知我如此不如無生
牂羊墳首三星在罶人可以食鮮可以飽

苕之華芸其黃矣興也苕陵苕也將落則黃

芸者黃盛與裳

華同其葉青青華落葉青青然也牂羊牝羊也墳大
也罶曲梁也寡婦之笱也牂羊墳首言無是道也三
星在罶言不可久也人可以食鮮可以飽治日少而
亂日多也

何草不黃四章章四句

何草不黃下國刺幽王也四夷交侵中國背叛用兵不
息視民如禽獸君子憂之故作是詩也

何草不黃何日不行何人不將經營四方 何草不玄
何人不矜哀我征夫獨爲匪民 匪兕匪虎率彼曠野
哀我征夫朝夕不暇 有芃者狐率彼幽草有棧之車
行彼周道

何人不將經營四方言萬民無不從役也兕虎野獸
也曠空也芃小獸貌棧車役車也